

БОСНА И ХЕРЦЕГОВИНА  
ПАРЛАМЕНТАРНА СКУПШТИНА  
БОСНЕ И ХЕРЦЕГОВИНЕ  
ДОМ НАРОДА  
ПРЕДСТАВНИЧКИ ДОМ

Привремена заједничка комисија оба дома  
Парламентарне скупштине Босне и Херцеговине  
за спровођење процедуре за именовање седам  
чланова Канцеларије за разматрање жалби у Сарајеву



BOSNA I HERCEGOVINA  
PARLAMENTARNA SKUPŠTINA  
BOSNE I HERCEGOVINE  
DOM NARODA  
PREDSTAVNIČKI DOM/ZASTUPNIČKI DOM

Privremena zajednička komisija oba doma  
Parlamentarne skupštine Bosne i Hercegovine  
za provođenje procedure za imenovanje sedam  
članova Ureda za razmatranje žalbi u Sarajevu

Privremeno zajedničko povjerenstvo obaju domova  
Parlamentarne skupštine Bosne i Hercegovine  
za provođenje procedure imenovanja sedam  
članova Ureda za razmatranje žalbi u Sarajevu

---

Broj: 01,02-50-14-1183-2/20  
Sarajevo 25. 6. 2020.

Na osnovu člana 93. Zakona o javnim nabavkama („Službeni glasnik BiH“, broj 39/14) i člana 9. Poslovnika o radu Privremene zajedničke komisije oba doma Parlamentarne skupštine Bosne i Hercegovine za provođenje procedure za imenovanje sedam članova Ureda za razmatranje žalbi u Sarajevu, Privremena zajednička komisija objavljuje

## **JAVNI KONKURS ZA PROVOĐENJE PROCEDURE ZA IMENOVANJE SEDAM ČLANOVA UREDA ZA RAZMATRANJE ŽALBI U SARAJEVU**

Ured za razmatranje žalbi je samostalna, nezavisna institucija sa statusom pravnog lica, sa sjedištem u Sarajevu. Ured za razmatranje žalbi rješava po žalbama u postupcima javne nabavke. Članovi Ureda za razmatranje žalbi su u izvršavanju svoje funkcije nezavisni, jednaki i vezani isključivo za Ustav BiH i zakone u Bosni i Hercegovini.

Članove Ureda za razmatranje žalbi imenuje Parlamentarna skupština BiH u skladu sa Zakonom o javnim nabavkama („Službeni glasnik BiH“, broj 39/14).

Ured za razmatranje žalbi u Sarajevu ima sedam članova, od čega po dva iz konstitutivnih naroda u Bosni i Hercegovini, jednog iz reda ostalih, pri čemu su dva člana iz Republike Srpske, četiri člana iz Federacije BiH, a jedan iz reda ostalih alternativno se bira iz jednog ili drugog entiteta. U Uredu za razmatranje žalbi u Sarajevu upražnjeno je sedam mjesta.

U skladu s članom 93. stav (11) Zakona o javnim nabavkama („Službeni glasnik BiH“, broj 39/14), mandat članova Ureda za razmatranje žalbi u Sarajevu traje pet godina, s mogućnošću jednog ponovnog imenovanja.

Kandidati koji konkuriraju za pozicije članova Ureda za razmatranje žalbi u Sarajevu moraju ispunjavati opće i posebne uslove.

**Opći uslovi za sve kandidate:**

- da je stariji od 18 godina;
- da je državljanin Bosne i Hercegovine;
- da nije otpušten iz državne službe u institucijama Bosne i Hercegovine, odnosno entiteta, kao rezultat disciplinske mjere, u periodu od tri godine prije dana objavljivanja upražnjenog mjesta;
- da se protiv njega ne vodi krivični postupak;
- da nije pravosnažno osuđen za krivično djelo na kaznu zatvora dužu od šest mjeseci;
- da nije obuhvaćen odredbom člana IX. stav 1. Ustava BiH.

**Radno mjesto br. 1**

**Posebni uslovi za kandidate koji konkuriraju na radno mjesto člana Ureda za razmatranje žalbi kao stručnjaci upravnog prava i/ili upravnog postupka:**

- završen pravni fakultet - visoka stručna sprema VII. stepen (ili 240 ECTS studijskih bodova);
- položen pravosudni ispit;
- pet (5) godina radnog iskustva, od čega najmanje dvije (2) godine u oblasti upravnog prava ili upravnog postupka, ili javnih nabavki;
- stručna znanja iz oblasti javnih nabavki, poznavanje oblasti koje su u uskoj vezi s javnim nabavkama, kao što su konkurencija, javni prihodi, direktive EU kojima se reguliraju javne nabavke.

Broj izvršilaca: **(3) tri - Ured za razmatranje žalbi u Sarajevu**

**Radno mjesto br. 2**

**Posebni uslovi za kandidate koji konkuriraju na radno mjesto člana Ureda za razmatranje žalbi kao stručnjaci iz oblasti izvođenja radova, javnih nabavki, transporta i strateškog poslovnog upravljanja:**

- visoka stručna sprema VII. stepen (ili 240 ECTS studijskih bodova) u oblasti izvođenja radova, javnih nabavki, transporta i strateškog poslovnog upravljanja - završen pravni, ekonomski, arhitektonski, građevinski, elektrotehnički, mašinski, geodetski i saobraćajni fakultet;
- pet (5) godina radnog iskustva nakon sticanja diplome VSS, u oblasti izvođenja radova, javnih nabavki, transporta i strateškog poslovnog upravljanja;

- stručna znanja iz oblasti javnih nabavki, poznavanje oblasti koje su u uskoj vezi s javnim nabavkama, kao što su konkurencija, javni prihodi, direktive EU kojima se reguliraju javne nabavke.

Broj izvršilaca: (4) četiri - Ured za razmatranje žalbi u Sarajevu

**Potrebni dokumenti za sve kandidate:**

- 1) radna biografija (CV) s adresom i brojem telefona;
- 2) ovjerena fotokopija fakultetske diplome (nostrificirane diplome ako fakultet nije završen u Bosni i Hercegovini ili je diploma stečena nakon 6. 4. 1992. u nekoj od država nastalih na području bivše SFRJ, a kandidati koji su visoko obrazovanje stekli po Bolonjskom procesu uz ovjerene kopije univerzitetskih diploma trebaju dostaviti i ovjerene kopije dodatka univerzitetskih diploma);
- 3) uvjerenje o položenom pravosudnom ispitu (samo za mjesto člana Ureda za razmatranje žalbi kao stručnjaka upravnog prava i/ili upravnog postupka);
- 4) uvjerenje o državljanstvu Bosne i Hercegovine, ne starije od šest mjeseci;
- 5) dokaz o traženom radnom iskustvu u struci, izdat od relevantne institucije;
- 6) ovjerena izjava da nije otpušten iz državne službe u institucijama Bosne i Hercegovine, odnosno entiteta kao rezultat disciplinske mjere u periodu od tri godine prije dana podnošenja prijave za upražnjena mjesta;
- 7) dokaz da protiv kandidata nije pokrenut krivični postupak izdat od nadležnog organa;
- 8) ovjerenu izjavu da nije pravosnažno osuđivan na kaznu zatvora dužu od šest mjeseci;
- 9) ovjerena izjava da nije obuhvaćen odredbom člana IX. stav 1. Ustava BiH;
- 10) vlastoručno potpisana izjava i ovjerena kod nadležnog organa da je saglasan da se njegovi lični podaci mogu koristiti u ovoj konkursnoj proceduri.

Traženi dokumenti moraju biti originali ili ovjerene kopije, a izjave ovjerene kod nadležnog organa, s tim da predati dokumenti ne podliježu vraćanju.

Zabrana diskriminacije: Nijedna prijava ne može biti izuzeta iz razmatranja isključivo po osnovu kandidatovog spola, rase, boje kože, jezika, vjeroispovijesti, političkog ili drugog mišljenja, nacionalnog i socijalnog porijekla, veze s nekom nacionalnom manjinom, imovinskog statusa, rođenja ili drugog statusa.

Nakon provedenog javnog konkursa, kandidati koji budu ispunjavali uslove javnog konkursa bit će pozvani na intervju. Cilj intervjuja je da se utvrdi stručnost i osposobljenost kandidata za obavljanje poslova te krajnja i ukupna ocjena kandidata.

Po završetku izborne procedure, prije preuzimanja dužnosti, primljeni kandidati dostavit će ljekarsko uvjerenje o tome da su zdravstveno sposobni za obavljanje navedenog posla, ne starije od 30 dana. Također će dostaviti dokaz da protiv njih nije pokrenut krivični postupak za krivično djelo za koje je predviđena kazna zatvora tri i više godina, izdat od nadležnog suda (ne stariji od tri mjeseca).

**Napomena: Kandidati koji budu konkurirali na više radnih mjesta za člana Ureda za žalbe mogu dostaviti samo jedan primjerak dokumentacije i tom prilikom treba da naglase na koje radno mjesto su konkurirali.**

Javni konkurs objavljuje se u "Službenom glasniku BiH", "Službenom glasniku Brčko Distrikta BiH" i na veb-stranici Parlamentarne skupštine BiH [www.parlament.ba](http://www.parlament.ba), a u dnevnim listovima „Dnevni avaz“, „Večernji list“ i „Glas Srpske“ bit će objavljeno obavještenje o javnom konkursu.

Prijavu na javni konkurs s traženom dokumentacijom treba dostaviti najkasnije 15 dana od dana objavljivanja u "Službenom glasniku BiH", od kada će se računati i rokovi. Prijava s dokumentacijom dostavlja se poštom, preporučeno, na adresu:

**Privremena zajednička komisija oba doma Parlamentarne skupštine Bosne i Hercegovine  
za provođenje procedure za imenovanje sedam članova Ureda za razmatranje žalbi u  
Sarajevu**

**„JAVNI KONKURS  
ZA IMENOVANJE SEDAM ČLANOVA UREDA ZA RAZMATRANJE ŽALBI U  
SARAJEVU- RADNO MJESTO BR \_\_\_ NE OTVARATI“**

**71 000 Sarajevo, Trg Bosne i Hercegovine br. 1**

**Napomena:** Neblagovremene, nepotpune i neuredne prijave neće biti razmatrane.